


La Bibia di s'cecc presenta

L'inizzi de la tristezza de l'Om



Scrivuda da: Edward Hughes

Illustrada da: Byron Unger; Lazarus
Alastair Paterson

Adatada da: M. Maillot; Tammy S.

Voltada da: Alessandro Cavalli

Produsida da: Bible for Children
www.M1914.org

©2022 Bible for Children, Inc.

Licenza: l'è consentida la stampa e la reproduzion di test;
interdida la vendita.

DEE L'HA CREAD CIASCHEDUNA
ROBA! Quand che el Dee l'ha cread
el prum om, l'Adam el viveva in del
Sgiardin de l'Eden cont la soa miee,
l'Eva. Lor i eren feliz fess in de
l'oeubedi a Dee e cont
el godì de la Soa presenza
fina a quand
che on di...



"Dee el t'ha did de pacià mia da tut i arbor?" l'ha demandad el serpent a l'Eva.

"Poeudom pacià tut i frucc manch de vun", l'ha respondud. "Se paciom o tocom quell frut li moeurarem." "Moeuraree nò", l'ha did el serpent compiasud. "Sarii coma Dee." L'Eva la voeureva el frut de quell arbor li. L'ha scoltad el serpent e l'ha paciad el frut.



3

Despoeu che l'Eva l'ha desoeubedid a Dee, lee l'ha lassad che anca l'Adam el pacià el frut. L'Adam el gh'hariss havud de dì, "No, desoeubedaroo mia a Dee."



4



Quand che l'Adam e l'Eva i hann pecad, tucc du i s'inn encorsgiud che i eren biocc. I s'inn cusid di vesticc cont i foeuje de figh, i s'inn quatacc e i s'inn scondud in d'on boscal da la presenza de Dee.

5

Durant la sira Dee l'è nad in del sgiardin. Lu el saveva quell che l'Adam e l'Eva i haveven fad. L'Adam l'ha dad la colpa a l'Eva. L'Eva l'ha dad la colpa al serpent. Dee l'ha did, "che el serpent el sia maldid. La fomna la gh'harà di dolor quand che la gh'harà di s'cecc." "Adam, desgià che t'heet pecad, la terra l'è maldida cont i spine. Te lavoraret in manera dura e te sudaret per havegh

el to pacià de tut i dì."



6

Dee l'ha mètud l'Adam e l'Eva foeura dal maravejos sgiardin. Desgià che i hann pecad, inn stacc partasgiacc dal cadò de la vita de Dee!



7

Dee l'ha mètud i ansgioi cont di spade foeugherente a fà la vardia in del sgiardin. Dee l'ha fad di tuneghe de pell per l'Adam e l'Eva. D'in dova l'è che Dee l'ha ciapad la pell?



8

Intratant, inn nassud di fioeui de l'Adam e de l'Eva. El lor prum fioeul, Cain a l'era on sgiardinier. El lor second fioeul, Abel a l'era on pastor. On di el Cain l'ha insubid a Dee on quai de verdure.

L'Abel l'ha insubid a Dee on quai di so mejore bessote. Dee l'ha gradid l'insubida de l'Abel.



9

Nepunemanch Dee l'ha mia gradid l'insubida del Cain. El Cain el s'è inversad fess. Ma Dee el gh'ha did, "Se te feet quell che l'è sgiust te sareet nò acetad?"



10

L'inversadura del Cain l'è mia andata via. On quai de temp despoeu, el Cain l'ha atacad el so fradell Abel in di camp e l'ha copad!



11

Dee l'ha parlad al Cain. "In dova l'è el to fradell Abel?" "El soo mia" l'ha cuntad su ona balla el Cain. "Mi sont el custod del me fradell?" Dee l'ha punid el Cain e el gh'ha trad via la possibilidà de coltivà e l'ha trasformat lu in d'on vagabond.



12

El Cain l'è andad foeura da la presenza del Segnor. Lu el s'è maridad cont ona tosa de l'Adam e de l'Eva. E i gh'hann havud insemi ona fameja. Prest i nevod del Cain e i pronevod hann tacad su de popolà la zità che



lu l'haveva fondad.

13

Intratant, la fameja de l'Adam e de l'Eva l'era cressuda in maniera svelta. In quei dì li, i persone i viveven sossen pussee che incoeu.




14

Quand che el so fioeul Seth l'è nassud, l'Eva l'ha did "Dee el m'ha donad el Seth per sotitui l'Abel". El Seth l'era on om divot che l'è vivud 912 agn e el gh'ha havud sossen fioeui.



15

In del mond i persone hann tacad su de vegnì semper pussee malegne, vuna sgenerazzion despoeu l'oltra. A la fin, Dee l'ha decidud de desfescià l'umanità tute i bestie e i oseb. Dee el s'è pentid d'havègh cread



l'om.

Nepunemanch domà on om l'era gradid da Dee.

16

Quest om chi a l'era el Noè. On descendent del Seth, el Noè a l'era sgiust e nissuna critega la poeudeva vesser moeuvuda a lu. L'ha tapasciad lu cont Dee.



17

Lu el gh'ha insegnad ai so tri fioeui de oeubedi a Dee. Dee el gh'haveva in ment de dovrà el Noè in d'ona manera speciala e stramba fess!



18


L'inizzi de la tristezza de l'Om
vuna storia da la Parolla de Dee, la Bibia

Se troeuvà in
Genesis 3-6

"L'access a Parolla la ghe da luz."
Salmo 119:130

19

2



60

20

Ol Signoi al sa c'am fem robi sbagliai, che Lu al chiama pecad. A conseguenza d'ol pecad l'è la morti.

Ol Signoi al ma ama insci tanto che l'ha mandad ol so fioeul *Gesù* a muì su ona croci a pagà per ol nostro pecad. *Gesù* l'è resuscitad e l'è andeid in Scell! Mò ol Signoi al podi perdonà i nostar pecai.

Sa te voeui abandonà i to pecai, parla con ol Signoi e dighi: Caro Signoi, men a credo che *Gesù* l'è morto par men e che mò al vivi. Ta prego da ignì in daa me vita e da perdonà i me pecai inscì a podo cominscià ona vita noeua e passà ol resto da a eternità insemi a Ti. Otami a vivi par Ti compagn on to fioeul. *Gioan 3:16*

Legi a Bibbia e parla cont ol Signoi tuti i dì!